



CONDICIONS PARTICULARES DAS BOLSAS PARA A FORMACIÓN EN PRÁCTICAS DE TITULADOS DE FORMACIÓN PROFESIONAL EN TEMAS RELACIONADOS CO COMERCIO EXTERIOR (2009)

1.- Obxecto:

O obxecto da convocatoria efectuada pola Fundación Galicia Europa (FGE) é a realización de prácticas formativas en empresas, asociacións de empresas ou consorcios de empresas de maneira que se permita unha aplicación efectiva dos coñecementos teóricos posuídos sobre comercio internacional e a súa particular incidencia en Galicia.

O desenvolvemento das catro bolsas terá lugar en empresas, asociacións de empresas ou consorcios de empresas. Para este fin os beneficiarios que resulten seleccionados no proceso de selección poderán expresar, nun primeiro momento, a súa preferencia polo lugar de desfrute da bolsa. Esta preferencia se terá en conta, sen prexuízo da potestade da Fundación Galicia Europa de valorar a idoneidade dos candidatos para calquera dos destinos, en función dos coñecementos lingüísticos e da formación académica acreditada polo solicitante ou das necesidades de servizo da Fundación Galicia Europa.

Unha vez asignado o destino, este só poderá ser modificado en función das necesidades da Fundación Galicia Europa.

As prácticas se realizarán baixo a orientación do persoal técnico da FGE e da do persoal do lugar no que se desenvolvan as mesmas. Estas prácticas perseguirán a familiarización funcional de cada adxudicatario co traballo desenvolvido polo Centro de Negocios da FGE, adecuándose ás liñas de actividade desenvolvidas pola FGE en interese de Galicia, así como dos proxectos de expansión internacional das empresas, asociacións de empresas ou consorcios de empresas na que se desenvolven as mesmas.

A estadía de prácticas outorgarase por un período que abarcará do mes de xaneiro ao mes de xuño. Os adxudicatarios se axustarán ao réxime interno que lle indiquen nas empresas, asociacións de empresas ou consorcios de empresas nas que estean destinados.

2.-Aceptación da estadía de prácticas e comprobación de documentación:

No prazo de cinco días naturais seguintes ao da recepción da comunicación de adxudicación da bolsa de prácticas por parte da FGE, o candidato preseleccionado deberá comunicar por escrito a súa aceptación ou renuncia á mesma.

Unha vez comunicada a aceptación, para adquirir a condición de adxudicatario, cada preseleccionado acreditara documentalmente os datos, méritos e titulacións esixidos na convocatoria pública e os que referise na súa solicitude ou curriculum vitae no prazo de dez días naturais seguintes á dita aceptación. Para o seu cotexo simple os documentos mostrados serán orixinais ou copias compulsadas. En caso de non acreditarse convenientemente todos os datos, méritos e titulacións revocarase a proposta efectuada.

3.- Importe e aboamento da estadía de prácticas:

A bolsa de prácticas estará dotada cunha contía bruta de 3.690 euros coa finalidade de axudar a sufragar os gastos de aloxamento e manutención. Dita contía estará suxeita ás retencións fiscais determinadas pola normativa vixente de aplicación e será fraccionable e aboada en seis mensualidades, mediante transferencia bancaria dirixida á conta que indique o beneficiario.

Previa solicitude xustificada do beneficiario, a FGE poderá anticiparlle ata o importe de dúas mensualidades, efectuando durante os meses seguintes as compensacións precisas.

fundación

A FGE non aboará cantidade adicional algunha por outros conceptos, aínda que correrá cos gastos de transporte, aloxamento e manutención nos casos en que, a petición da FGE, o adxudicatario deba realizar desprazamentos temporais a outras localidades distintas respecto de onde estivera ubicada a oficina de base para a realización de prácticas, sen exceder en ningún caso o nivel do baremo de dietas aplicado pola FGE que lles corresponda, sen prexuízo dos acordos aos que a Fundación poda chegar coas empresas, asociacións de empresas ou consorcios de empresas que requiran o seus servizos.

4.- Relación xurídica:

A relación xurídica entre o adxudicatario e a FGE terá exclusivamente carácter civil, ao amparo do principio de liberdade contractual inferido dos artigos 1.254 e seguintes do Código Civil español, e singularmente do seu artigo 1.255.

A concesión da estada de prácticas non supón o establecemento nin o recoñecemento de vínculo algún de carácter profesional, laboral, mercantil, estatutario ou análogo entre o beneficiario e a FGE ou entre o beneficiario e a empresa, asociación de empresas ou consorcio de empresas.

A FGE non asumirá responsabilidade algunha polos danos e prexuízos de calquera orden que puidera provocar o adxudicatario.

A mera presentación da solicitude firmada para a participación no procedemento de selección descrito na presente convocatoria conlevará a plena, voluntaria, libre e irrestricta aceptación do presente documento de condicións particulares, así como de todas as cláusulas da mesma. A interpretación de todo isto realizarase de conformidade coas regras hermenéuticas previstas nos artigos 1.281 e seguintes do Código Civil español.

5.- Compromisos e obrigas do adxudicatario:

Ademais das obrigas xerais que impón a normativa de réxime interno da FGE e o bo uso da súas instalacións e equipos, así como das singulares que se infirieren da convocatoria e as presentes estipulacións, o adxudicatario deberá acatar lealmente e de boa fe as seguintes obrigas especiais:

- Facilitar á FGE os datos e documentación que se lle esixan para o cumprimento do expediente da estada de prácticas e garantir en todo momento a veracidade dos datos e documentos aportados ou solicitados.
- Finalizar o período de prácticas con aproveitamento, elaborando unha memoria final ao respecto. Se por calquera circunstancia o adxudicatario decide renunciar á bolsa no curso do disfrute da mesma, deberá comunicalo á Dirección da Fundación Galicia Europa por escrito e na maior brevidade posible, estando, en todo caso, obrigado a presentar a memoria final anteriormente mencionada.
- Non disfrutar doutra axuda durante o período de disfrute da bolsa da FGE.
- Comunicar no seu centro de traballo inmediatamente as causas de inasistencia ou impuntualidade. En caso de enfermidade, cumprimento de deberes públicos ineludibles ou relevantes circunstancias familiares deberá facilitarse xustificación documental.
- Gardar a debida reserva e confidencialidade sobre os asuntos dos que tivera coñecemento, velar pola custodia dos documentos de traballo que se lle confiasen e preservar o bo nome do centro no que traballe así como o da Fundación.
- O adxudicatario atenderase en todo caso ao réxime interno que estableza a empresa, a asociación de empresas ou consorcio de empresas no que desenvolva as súas prácticas.



En caso de incumprimento dos compromisos e obrigas recollidos neste apartado, a FGE poderá decidir a resolución da estadía de prácticas e/ou demandar o reintegro total ou parcial das cantidades satisfeitas ata o momento. En calquera caso, a non finalización dos meses de prácticas concedidos conlevará a devolución, por parte do beneficiario, da contía equivalente a media mensuralidade de bolsa. Para a determinación do importe a reembolsar tomarase como referencia a contía correspondente a un mes completo de bolsa.

6.- Solución de diferencias e foro xurisdiccional:

Se o adxudicatario mantivera diferencias coa FGE tras a resposta que concluyese esta ao asunto de que se trate, remitirá un escrito detallado á Dirección da mesma indicando as causas da súa diverxencia e a fundamentación xurídica na que sustentara a súa postura.

A Dirección recabará os informes técnicos e/ou xurídicos que estimara precisos para formar o seu criterio e á vista deles resolverá o que fora axustado a Dereito e acorde cos seus fins fundacionais, nun prazo non superior a un mes, cabendo unha prórroga de ata quince días naturais se a complexidade do tema o as obrigas da Dirección así o requiriren.

Se o adxudicatario disintiere poderá entón interpor a correspondente demanda civil ante os xulgados desa orde xurisdiccional con sede en Santiago de Compostela, sen prexuízo de exercitar calesquera outras accións admisibles no Ordeamento Xurídico español que estimara acordes aos seus intereses. A FGE dará instrucións ao seu Letrado para recorrer de oficio calquera fallo que non se axustase á interpretación mantida pola súa Dirección sen prexuízo de que un ditame motivado de aquel desaconsellase de maneira indubitada proseguir en instancia superior.

E como proba da voluntaria, libre e incondicional aceptación e plena conformidade con todas e cada unha das estipulacións arriba detalladas, o adxudicatario firma o presente documento por duplicado en todas e cada unha das súas follas.